

Von allerhand Arhney/

Reinfarn/ Wurmsamen.

**D**ies Kraut ist von Natur heiss vnd trucken/ im  
ersten Grad.

Für alle Seber/ nimb deß Saffts mit Wege-  
rich Wasser auff zwey Quintlein. Die Wurzel  
mit Baumöl gesotten/ vnd die giffrigen Glieder damit  
geschmieret / hilfft.



Aber die Wurzel mit  
Honig eingenomen /  
ist fast gut allen ver-  
lahmbden Gliederen/  
ist gut für die Würm.  
In Wein gejotten /  
wider den Stein in  
Lenden vnd Blasen.  
Der sam den Kindber-  
teren eingeben mit  
Wein oder Milch /  
vertreibt die Würm/  
stillet das Wehe der  
Blasen/ machet Harn-  
nen / vnd treibet auß  
den Stein / gestossen  
mit Baumöl/ vnd als  
ein Salb über Ges-  
chwulst der Fuß/ vnd

Schmerzen der Sennadern gestrichen/ stillt das.

Reinfarn Wasser.

So es Blumen trägt in den Hundstagen/ die blätter  
mit den Blumen abgestreiff/ vnd gebrendt/ ist gut ges-  
truncken ein Monat lang / Morgens vnd Abends/ ied-  
des mal drey loth/ wider den Stein/ in Wein gemischt/  
machet Harnen / vnd fördert den Stein / vertreibt  
Würm auß dem Leib/ vier Tag getruncken/ Morgens  
vnd Abends/ iedes mal auff drey Loth.

Bals